

金光明經文句卷第三

盟二

隋天台智者大師說  
門人灌頂錄

報障如上可解煩惱與業云何數人云數起而輕名煩惱數起而重名爲業天台師云任運常有是煩惱卒起決定心發動身口必牽來報者是業若爾惡星災異都不關心云何是業障此乃外相表業將起是業責報之相

怖別論愁憂屬見煩惱恐怖屬愛煩惱今不具記云三破業障者從惡星災異下是也業將感報故其相前現相名表發意在此也惡星者別有客星也亦是五星二十八宿一方有七四七二十八也違其度數失其分野苦熒惑亂行麻彗暴出是客星也災異者風雨雪霜乖候等是也衆邪者有三人邪鬼邪法邪是也蠱道者毒鬼也又言三毒是蠱也變怪者詭怪也謂禽獸醜惡形聲等是也惡夢者心靈潛密業現其中夢見不適意事是也

夫諸業表報不出五罪若惡星表亡身失命者殺生業相也惡星表神棄困窮者竊盜業相也惡星表親離幽厄者淫罪業相也惡星表誣枉謾謗者妄語業相也惡星表喪失財產者飲酒業相也其餘災異怪禽惡夢等贖其時節各有所表細心推詳不出五罪之報行者知解推之何須折箋鑽龜問管公明邪從當淨洗浴下二舉方法能空於惡也前業三業作三德之方以事表理也洗浴臭體擬

作法身緘脣攝耳擬聽般若至心清淨擬作解脫前令洗浴內身後更勸淨外服內外相成爾前但令聽後誠令專聽鄭重緘口爾前令至心後示至心之境成其方法爾夫人身本於不淨蓮華本於淤泥譬如栴檀生于伊蘭世間現見也今近因三業規矩遠成三德妙義可不信哉洗浴法身能禳報障攝耳緘口能禳煩惱障至心能禳業障云從是經威德下四結成也能悉消除者明三障轉也今其寂滅者三德成也寂滅祇是涅槃涅槃祇

是三德前三業方法既成三障理數應轉三障既其已轉理數成於三德報障轉成法身德煩惱障轉成般若德業障轉成解脫德前寄事相將淺以表深後明寂滅將深以結淺經文繡密見之者寡云護世四王下敘流通中品皆如上說

釋壽量品

佛本無身無壽亦無於量隨順世間而論三身亦隨順世間而論三壽量法身者師軌法性還以法性爲身此身非色質亦非心智非

陰界入之所攝持彊指法性爲法身爾法性壽者非報得命根亦無連持彊指不遷不變名之爲壽此壽非長量亦非短量無延無促彊指法界同虛空量此即非身之身無壽之壽不量之量也報身者修行之所感也法華云久脩業所得涅槃云大般涅槃脩道得故如如智照如如境菩提智慧與法性相應相冥相應者如函蓋相應也相冥者如水乳相冥也法身非身非不身智既應冥亦非身非不身彊名此智爲報身也法壽非常非無常

智既應冥亦非常非無常彊名常爲壽也法既非量非無量智既應冥亦非量非無量彊名無量爲量也應身者應同物身爲身也應同連持爲壽也應同長短爲量也智與體冥能起大用如水銀和真金能塗諸色像功德和法身處處應現從性能爲身爲非身能爲常壽爲無常壽能爲無量能爲有量有量有二義一爲無量之量二爲有量之量如七百阿僧祇及八十等是有量之量如山斤海滴實有齊限凡夫所不知阿彌陀實有期限人天

莫數此是有量之無量應佛皆爲兩量逐物隨緣參差長短然此三身三壽三量不可並別一異則乖法體即一而三即三而一乃會玄文故下文云如深法性即於此興金光明中而得見我釋迦牟尼即其義也但信相偏疑應身之有量四佛偏舉應佛之無量斷其有量迹疑既除深達報法若從信相所疑應言壽有量若從四佛釋疑應言壽無量而今不道壽有量不道壽無量直言壽量者意欲圓論三佛之壽量故不偏題取意爲釋若從

義便正是報身之壽量何故取此報身上冥下應上冥法性即非量非無量下應機緣能量能無量量疑牽無量之咎即達於圓經家從其生圓解而題品舉一而蔽諸從此義故題爲壽量品又一時重解壽量品亦作三重一玄義二引證三還源玄義者壽者命也謂報得命根連持不斷名之爲壽延促期數名之爲量故言壽量也此釋應佛因緣之壽量也又壽者受也境智和合共相感受謂無分別智感受無分別境無分別境感受無分別

智死函大蓋大故壽是受義也量者相應也境智相應故言量此釋報佛之壽量也又壽者久也常不變易稱之爲久量者銓量也常久之壽非多數非少數非相應盡知非相應不盡知非可說非不可說無以名之彊以銓量說其長久此釋法身之壽量也初番爲二一有量量如釋迦之壽方八十是也二量無量如彌陀之壽實是有量人天所不能測故言量無量也此量無量皆應佛所爲也第二番亦二義佛以如意智稱如意境境無分別

智亦無分別若境稱於智智有分別境亦有  
分別此知與不知皆報佛所明也第三番亦  
二義一者深寂不可說二以慈悲方便亦可  
得說此可說不可說皆法佛之法也二引證  
者方八十年證有量也諸天世人八部之衆  
無能思算山斤海滴不可數知五此證量無量  
四二無能思算山斤海滴不可數知此證量無量  
也虛空分界不可齊限證境無分別也又唯  
除如來證智可分別也又下文去智淵無邊  
法水具足亦是證智也壽不可計此證不可  
說也將欲宣暢釋迦如來所得壽命此證慈

悲可說也又聞是四佛宣說如來壽命無量  
證大悲可說也新本明婆羅門求佛舍利如  
粟大求六天報即證有量也王子說金光明  
難思難解福報無邊福報無邊是證量無量  
難思難解即總證智境不可說等云三還源  
者亦云復宗釋此壽量雖作三身六義勿作  
異解祇是經題金光明義爾初番量無量者  
祇是明義以其明故大小長短延促數量悉  
現明中還是明義爾第二番智境函蓋體解  
相應色大故般若亦大以法常故諸佛亦常

還是光義也第三番可說不可說常樂我淨說滿法界法性無所益都無一言法性無所損還是金義夫解一則千從迷一則萬惑即此義也既是兩時之聞兼而錄之云此品正說而序文未盡分別如上從王舍城下是第三疑念序文爲二一出人二明疑出人爲四一出處二明位三出名四歎德處如文菩薩者著名道薩名心自行此道復能化人故言摩訶薩依勝行立勝位也信相者信家之相在似道中別判三十心圓判鐵輪位下文云

見有一人似婆羅門以抱擊鼓是法身擊是機動似位機興知非真擊又真似之位地相隨無位不有如普賢修普賢行滿位鄰尊極此似則高信相稱似道者未敢判其高下也難者言若同普賢言似者何故有疑此亦非妨菩薩爲疑者作發起人爾又佛地未了疑無所嫌法華中補處彌勒亦復懷疑大集中有生疑難者言見諦已斷疑十地云何疑答言見諦斷通疑十地有別疑也觀解者

心王名王五陰名舍觀此五陰空寂空寂即涅槃涅槃能防非禦敵呼之為城初心後心常觀涅槃行道故是住處也歎德文爲二外供養佛內種善根此菩薩植善既深多值諸佛作高位解釋亦應無塊色云供養有二義一財供養可解二法供養佛說百千法門隨而脩學名法供養觀心解者一念覺了心名爲佛無量功德心資此覺心令轉明淨名供養佛如膏資火如食益身如禪發慧皆供養義也種善根者法性名地觀法性智名種子

常以觀觀名下種久習不退名種久五善根生名增長增長由風動日照雨潤漸增茂好風譬佛身輪日譬佛意輪雨譬佛口輪值佛三事能大利益楞嚴般若若增法性轉顯法性若顯定慧倍明植種值佛二義相成舉此一雙歎菩薩德也從是信相下正明疑念序又爲二初疑之由次正生疑由有遠近遠由三月唱入涅槃近由敘述若有聞者則能思惟無上之義又云由乎本誓擊動生疑何因何緣者通論三種皆名因而此文既略緣了

相資共能顯正正當於因緣了當緣正因常  
恒壽命無量緣能顯理境常智亦常此因此  
緣皆非八十之因緣今方八十是何因何緣  
是故生疑也方八十者世壽有三品下方四  
十中方八十上方百二十下方少天上方太  
老中方不少不老表常又十二因緣第八名  
愛支八十滅者表愛已盡入有餘無餘涅槃  
愛盡無縛表我涅槃表樂又中方表中道佛  
樂中道中道表淨爲此義故方八十年也信  
相不作此解是故生疑何因何緣也從復更

念言下是正生疑如佛所說者此執教疑理  
教詮止行二善感壽則長佛昔行因甚多而  
今眾壽極少理教相違不能不惑若無此理  
教爲虛設若其必然長壽安在是爲執理而  
惑教也有二因緣者與前爲異前合止行同  
是緣了今就止行自作因緣十善中一一善  
皆具止行不殺是止善放生是行善不盜是  
止善施食是行善今經舉不殺家之止善不  
盜家之行善互舉一邊共明止行若備論者  
一一皆有止行止之與行須明也今就一一

各有因緣夫命是衆生之所共惜奪而害之。居然大苦有而放之則爲快樂慈心是因不畜殺具是緣此是止善因緣也夫食是依報得之則命存失之則壽殞施心是因施具是緣此行善因緣也不殺一條既爾乃至不邪見亦復如是總有止行二十善四十因緣此等因緣俱感長壽佛之止行二善累高於山積厚於地云何今日八十而終此約因果一途論止行二善但作此解於義未允今當更說人天之因以五戒十善名之爲命三乘行

人以智慧爲命魔名殺者若遮奪此事即是斷人天命若不遮奪名爲止善方便勸修名爲行善若破壞三藏法名殺二乘人命若不毀傷名爲止善方便勸修名爲行善若毀誓事檀乃至毀誓世智名斷六度菩薩命若不障礙名爲止善方便勸脩名爲行善若脩體法斷貪恚癡是二乘命若障不令脩名斷二乘命若不障者名爲止善方便勸脩名爲行善非撥體空則斷通教菩薩命若不障者即是止善方便勸脩即是行善若毀誓漸次是

斷<sup>三</sup>孝菩薩命不作障礙即是止善方便勸  
脩即是行善若誹謗圓融即斷圓教菩薩命  
亦斷佛命若不留難即是止善方便勸脩即  
是行善圓人非但不壞諸法而隨一相即殺  
諸法而隨一相如仙豫大王害五百之短命  
施十劫之長齡如佛斷一切煩惱及習一切  
生無量壽命乃至行般若得壽命長菩薩行  
般若則施衆生無量壽命即其義也而我世  
尊行無不圓果無不滿云何今日方八十年  
次明施食者百味甘漿等依報食也身肉骨  
髓者正報食也此皆事中施食爾經言法食  
法食者世間法味出世間法味出世間上上  
法味菩薩能為一切衆生作大施主令未發  
心者迴邪入正已入正者增長萌芽如陰陽  
養卉如父母鞠子多積縉緲令墮地不痛授  
云行檀波羅密得壽命長菩薩行檀則施衆

生無量壽命乃至行般若得壽命長菩薩行  
般若則施衆生無量壽命即其義也而我世  
尊行無不圓果無不滿云何今日方八十年  
次明施食者百味甘漿等依報食也身肉骨  
髓者正報食也此皆事中施食爾經言法食  
法食者世間法味出世間法味出世間上上  
法味菩薩能為一切衆生作大施主令未發  
心者迴邪入正已入正者增長萌芽如陰陽  
養卉如父母鞠子多積縉緲令墮地不痛授  
以五戒十善已持五戒者說三界火猛多所

燒害讚歎三乘無繫解脫已入證者毀訾小乘敗種焦穀讚歎菩薩所行之道設飢國人大王之膳煩惱爲薪智慧爲火以是因緣成涅槃食令諸弟子皆悉甘嗜如是等一切法門悉名法食一一法皆具止行二善一善具因具緣此諸因緣感長壽果而我世尊行無不圓果無不滿云何今日方八十年觀心不殺者無明爲父貪愛爲母若斷此者即成逆害但觀無明即是明愛即是淨體達能所皆如虛空是爲止善觀諸心數亦復如是是

名行善能如是觀獲得金剛常住之壽也已身骨髓血肉者此彼相望此爲已身智慧推之非已身也如王子飼虎尸毗貿鵠皆捨父母遺體非捨已身已身者法性實相是也釋論云持戒爲皮禪定爲血智慧爲骨微妙善心爲髓爲他說戒能遮罪脩福無相最上非持非犯尸波羅蜜者是施已皮也說諸禪定神通變化不起滅定現諸威儀者是施已血也說無著妙慧非智非愚亡泯清淨終日說終日無說其所說法皆悉到於一切智地

者是施己骨也檀忍等應是肉也說甚深法性諸佛行處不一不二言語道斷心行處滅微妙中道者是施己髓也將此充足飢餓衆生況餘飲食餘飲食者即是人天二乘戒皮定血慧骨真諦之髓爾法華云於餘深法中示教利喜者即其義也如來往昔隨他意說無量無邊隨自意說亦無量無邊皆是長壽因緣云何今日方八十歲也從大士如是至心念佛恩是義時此一句結前開後至心者徹到心源盡心實際故言至心觀心既然觀

佛亦爾故言念佛念佛不殺施食與法性虛空等如此之壽不應短也是爲結前開後者由作此觀機動瑞興故言開後也從其室自然下是第四現瑞序瑞者密報相者表發密報四佛當臨此室爲爾斷疑表發增進常因感得常果也問佛作此瑞信相福作答信相無機佛亦不應若無諸佛機無所扣機應相須瑞以之興問衆緣感瑞信相獨感答通由衆緣別在信相若瑞在靈山可非其力室中所見豈不由之譬張家降瑞寧得王家受福

雖然信相是發起之人無容獨善法華云如爲一人衆多亦然就文爲二一現相由二正現相取結前開後之文爲現瑞之由從其室自然下爲正現相也正現相又二一別現相二總現相從其室自然下是別現相從舉要言之下是總現相別相爲十表十地因成也總相爲一表因成一果也又別相表地地各各增益總相表一地具諸地功德也問此經常果爲宗何得作相表因答此因是果家之因必成果不乖宗也問前判信相是似位

後相則非其徵若似同普賢前相亦非其兆答一徃云十地一地之中皆有諸地功德表報利益前後皆霑也經家不定判位祇可從容不得尅斷也別相有十者一其室廣博二其地寶嚴三妙香氛氲四高座涌出五佛坐華座六放大光明七雨諸天華八作天妓樂九皆受天樂十根缺者具此之十相表報十地功德止可斐亹擬議不得責其備悉其室自然廣博表初歡喜者此地初開過於凡聖故以廣博表之嚴淨瑠璃間錯表離垢地者

此地對戒戒是諸行基壇諸行莊嚴於戒故以間錯表之香氣表明地者其地對忍唯辱而忍增如烟多則香盛故以香表之高座表炎地者其地對精進精進督出衆行故以高座表之佛坐其上表難勝者其地對禪禪有神通轉變大力故以佛表之光明表現前者其地對般若般若洞照故以光明表之天華表遠行者其地對方便方便善巧觸處嚴淨故以天華表之作樂表不動者其地對力力能利安一切如妓悅物故以作妓表之受樂

表善慧者其地對願願滿則心喜故以受樂表之根具表法雲者其地對智因中衆行故智慧爲首智導諸行隨階而圓故以根具表之復次十相表一地中具諸功德且約初地釋之其室自然廣博嚴事者此相表初地智也室者以五陰爲室此陰非陰亦非非陰不爲陰非陰所作亦不作陰非陰故言自然不得陰不得非陰二邊虛豁故言廣博非直空無二十五有二種涅槃亦有因中十力無畏種種功德而莊飾之故言嚴事嚴事即

假智廣博即空智自然即中智三智一心中  
具足是故歡喜天紺琉璃雜廁間錯以成其  
地者此相表初地所照境天紺琉璃瑩淨明  
徹表真諦境雜廁間錯種種莊嚴表俗諦境  
猶如如來所居淨土至聖所居極尊之地表  
中道第一義<sup>諦</sup>境一地而三相<sup>二</sup>三相而一地  
<sup>十三</sup>表一諦而三諦三諦而一諦有妙香氣過諸  
天香者此相表初地慈悲功德慈能與樂如  
香氣氤悲能拔苦如香離臭此慈悲豎高故  
言過諸天香此慈悲橫闊故言徧滿徧滿一

切陰界入中無不溥覆也其室四面有四高  
座者此相表初地四德四德是祕密之藏佛  
住其中如高座可坐爲坐諸佛也有四如來  
者此相表初地覺四德智智與德冥如佛坐  
座也放大光明者此相表初地自行化他照  
此土表自行照他土表化他也雨諸天華者  
此相表初地四瓣華雨於空如瓣詮於理也  
作天妓樂者此相表初地四攝四攝攝物如  
樂樂他也受天快樂者此相表初地法喜法  
喜澄神如受天樂根缺具足者此相表初地

諸根互用耳見眼聞一報之中具足諸根之用也初地功德佛辯所不能宣略舉十相表其梗槩爾初地既然一一地亦復如是復次十相表初地自行化他功德前五相表自行功德後五相表化他功德其室廣博表自行之般若天紺瑠璃表自行之法身有妙香氣者因中所無也悉具現者因圓理顯也國土世間未曾有則實相滿衆生世間未曾有則坐座上表獲記成佛也後五相表化他功德者放光表意輪益物也雨華表口輪益物也作樂表身輪益物也又表能令衆生轉煩惱

障而受法喜之樂根具表能令衆生轉報障也初地既然後一一地亦復如是從一切世間下是總現相也別相文廣意略總相文略意廣此表十地因成一果究竟具足也一切者該十法界也世間者包三世間也未曾有是第十五相表也世間未曾有則實相滿衆生世間未曾有則解脫滿舉要者實相是要實相既圓何法不滿邪從信相歡喜下是第五默念騰疑序文爲二初見相歡

喜二默念陳疑歡喜者既因心疑覩瑞見佛必知聞法是故歡喜從至心念佛下是默念求波也夫疑情不可久處是故騰疑念釋迦如來無量功德相好光明神力說法皆不生疑唯壽命中心生疑惑云何佛壽中八十年念此覆心故默騰求波也而不發言者四佛適現威尊敬重不敢發言疑既覆心不得不念又前默念而感瑞今承前默念以求波爾從爾時四佛以正徧知下是第六止疑序文爲二一正止疑二釋止疑蓋覆心聞法不

解故先止之例如見諦先斷疑方進脩道也若信相實疑宜須折止若是起教因其訓人從汝今不應下正止疑也云何不應有三不應一大用不應八十者是佛大用是故不應二法性海深非言思所測三以信能入以智能度汝信智未具豈度量所思釋論云無量法欲量是人爲覆溺故將不應而止之也何以故下釋三不應之意舉八衆皆不能量者釋法性不應也法身菩薩法性淨土故不在言生身菩薩若在家爲天龍等所攝若出家

爲四衆所攝若法性身施權亦爲八衆所攝  
若凡若聖悉不能思算也唯除如來者釋智  
度不應也若如如來是則能知既未如如來  
那忽能知舊用此語爲智所知知是無常可  
量之法天台師云不爾如來有無量常智能  
知無量常法豈可以常智所知判爲無常邪  
智性既冥大用可解是釋三不應也從時四  
衆有四種一發起衆信相樹神等是也二當  
機衆聞即得道者是也三影響衆從十方遠  
來者是也四結緣衆當座雖未得道作後世  
因緣者是也如流水爲魚說法遠作今日得  
悟因緣即其事也此經集天龍衆與華嚴意  
同亦集人衆而文略新本中有無量百千婆  
羅門衆懺悔品初信相及眷屬詣耆闍崛山  
瑞此經先現瑞後集衆前後互出爾時者將  
欲宣暢之時也衆者欲色界諸天也信相一

人利益者少有緣若集所益處多是故集衆  
衆有四種一發起衆信相樹神等是也二當  
機衆聞即得道者是也三影響衆從十方遠  
來者是也四結緣衆當座雖未得道作後世  
因緣者是也如流水爲魚說法遠作今日得  
悟因緣即其事也此經集天龍衆與華嚴意  
同亦集人衆而文略新本中有無量百千婆  
羅門衆懺悔品初信相及眷屬詣耆闍崛山  
瑞此經先現瑞後集衆前後互出爾時者將  
欲宣暢之時也衆者欲色界諸天也信相一  
天龍略不說人爾總瑞中云一切世間未曾

有事悉具出現不見與二乘記但明常辨性與般若方等意同故判屬方等教攝此中應論乘戒緩急四句判出天龍生處得道不得道權實等事如別記云齊此判屬序段者文云將欲宣暢大眾雲集豈非序之明證邪序分竟從爾時四佛下三品半文是第二正說段凡三說不同一云壽量明常果爲宗常果契性性即是體二義宛然不須多惑下懺悔品滅惡讚歡品生善空品導成即是經用也二云壽量明宗懺歡明用空品明體此乃以

因中所用之性爲果上所顯之體於義不便故不用之三三藏云正說有兩段壽量是果段三身是因段二文各有序虛空藏問爲因段序直是發問於序義弱師云三身成果上義非因義也是故不用初家所說好與今意義同新舊兩文凡三處明宗初是四佛拂疑明應化之壽非思算所知迹既長遠本難窮極上根人聞迹悟本也若未悟者王子明蚊蚋腳可以作城樓鼠登兔角梯食月除脩羅明法身無舍利如來真實身舍利無是處中根

人直聞理本而悟迹也若未悟者釋迦論三身共說廣分別之本迹俱解是爲三番明宗顯體懺品別論滅惡通亦生善歎品別論生善通亦滅惡空品導成俱是經用也今之四卷止有一番明宗文爲四初四佛說偈二信相歡喜三當機得道四四佛還本說偈又二一經家敍二四佛喻說問四佛說偈爲各爲共答經既無文不可定判或宜聞共說異口同音或宜聞別說各引一喻見亦如是若見四佛同尊特身一身一智慧者即是常身弟

子衆一故若見四佛佛身不同即走應化弟子衆多故分八偈爲二意初云前四偈立譬次一偈合譬次二偈斷疑次一偈結釋次云前四偈爲譬本後四偈合釋兩途俱可用舊云四偈止譬其壽長更無別意是義不然諸佛之教上中下善真言巧妙其義深遠此中正是常宗斷疑一經之要處何容無義且作三意消文一對四諦二對四念處三對四德四諦理通因果四念論因四德論果若論果壽宜對四德果不孤起故念處明因因果有

本故對四諦也上以四佛對四諦智今以四  
佛所說對四諦理舊讀四諦文云知苦如苦  
相知集如集相是其事齊事而知於理不  
顯今明知苦如苦相如是其理相是其事即  
事而真事理雙達餘三諦亦如是如是釋者  
於四諦理義便也又一解知苦是知俗如是  
知真相是知中中是實相故今以相爲中也  
此則三諦具在一文知苦既然下集道滅亦  
如是云明識四諦是脩長壽境故約四諦對  
偈也一切諸水者此對集諦大經云有河洄

復沒衆生即其義也水體潤生如集能資長  
鼓怒浩瀚無處不有集亦如是沒溺凡聖且  
界内外也諸須彌山者此對苦諦小般若以  
身爲須彌即其義也山體結構磐峙水上如  
苦報積聚爲集作果敷縛界內外色心也大  
地微塵者此對道諦法華云其所說法皆悉  
到於一切智地即其義也地體能容載水陸  
兩途如通別道到此彼岸虛空分界者此對  
滅諦法華云常寂滅相終歸於空即其義也  
空體盡淨五翳所不能染三光所不能淨如

滅諦滅無二十五有及滅化城涅槃也四諦理徧一切處即法身四諦智稱境而知即報身從體起用同其長短即應身信相但見應短不見應長應尚不達寧知報法四佛舉四喻喻其應長水滴山斤地塵空界尚無能思算得其邊表況復智冥於法淵哉玄哉信無底際曠矣大矣豈有垠涯舉應迹以釋報法豁然明悟斷疑之巧爲若此也釋此偈妙爲若此也行者思之思之四偈對四念處者念處之觀本在苦諦唯應約須彌山偈而論今

則通對也一切諸水對受念處受能含納如海多容故也須彌山對身念處色相與質礙相類故也大地對於想行念處想取行行如地容載故也空界對心念處心但有名如空無相故也若觀四念處是脩長壽因若念處第十三得道即是長壽果故用念處對四偈也若觀四枯念處破凡夫之四倒若觀四榮念處破二乘之四倒若觀中道念處則非榮非枯於其中間而般涅槃成五種解脫謂色解脫乃至識解脫脫五陰縛名五解脫洞達五陰空

無所有名五般若冥五陰理名五法身雖三  
分別不一不異不縱不橫名祕密藏號大涅槃  
仁王呼爲法性色法性受想行識陰之法  
性即是法身智冥法性即是報身法報皆非  
常非無常而能起用爲常爲無常常用則長  
無常用則短信相但見無常不能見常於用  
未達況解其本四佛舉喻明其用常迹常無  
邊非思筭所得況復體理寧可心知信相迷  
除豁如雲卷斷疑之巧爲若此也四偈對四  
德者水潤生榮對常德山能高出對我德碎

地爲塵對淨德空無苦受對樂德四德成就  
是果上所尅果與理冥冥於非常非無常能  
起常無常用冥於非我非無我起我無我用  
冥於非淨非不淨起淨不淨用冥於祚樂非  
不樂起於樂無樂用信相但見無常無樂不  
見常樂於應尚迷何能識本四佛舉四德之  
用非思筭所知體本報法杳然慮外信相聞  
說非但疑除惑斷增信生解故歡喜踊躍得  
之於懷云億百千萬下合譬偈也舊解有二  
失一僻取文二偏執義舊云四譬皆有齊畔

可盡之物百千是數法數必有窮據此爲無常今釋不爾四佛引四譬者乃是舉量以況無量量物尚非思算所知無量之法<sub>一</sub>可圖度億百千萬此舉數法以明無數汝既不能數數那能知無數縱令知數知無數知量知無量者祇是化用都不關體本僻取之失非但自毀又亦誣經偏執義者三身品云化身亦常處處說法是故爲常當知化身備有常無常義舊人那忽一向無常<sub>二</sub>云以是因緣下兩行斷疑偈也若乍因緣者因親緣踈命是

正報不殺爲因食是依報施之爲緣以此因緣得壽命長若作二緣者不殺是不殺戒家止善施食是不盜戒家行善互舉止行俱是二緣法性菩提心名之爲因止行福慧等併皆是緣緣能顯性會非常非無常能常能無常法食不殺等皆如上說脩因既長待果又長顯體又長起用又長破其短疑也是故汝今下一偈結成也爾時信相下聞偈斷疑生信也聞壽命無量者解迹中之能常其壽無量也疑去者解迹中之能短其壽八十也深

不見境境智俱寂即是不現義也

云

心信解者悟其本識非量非無量也踊躍者登位也歡喜者信生也別教釋者信相似位中疑惑去登歡喜地中信生也圓教釋者信相鐵輪位中疑惑去入住銅輪位中歡喜也若作普賢似位釋者下地中疑惑去十地頂深信堅固猶若金剛鄰真接極而生歡喜也從說是如來下是第三當機上根初悟也從時四如來下第四息化也佛本爲緣興緣已利益則攝化還本故言忽然不現也觀解者諦境發智覺慧相應深觀此慧亦不得慧亦

金光明經文句卷第二

音釋

抱	房	尤切擊	擊	禦	牛	據	切	將	此	切	詐	謗
	<small>跋推也</small>	<small>非議也</small>	<small>拒也</small>	<small>口毀也</small>	<small>祥夷也</small>	<small>也</small>	<small>貳莫也</small>	<small>也</small>	<small>也</small>	<small>也</small>	<small>也</small>	<small>也</small>
捕	尾	切	易	鴟	古	合	切	鞠	居	六	切	飼
曉	切	易	鴟	鳩	古	合	切	鞠	居	六	切	餽
毀	切	易	鴟	鳩	古	合	切	鞠	育	也	切	餽
也	也	也	也	屬	也	也	也	也	也	也	也	也
盤	蒲	官	切	也	也	也	也	也	也	也	也	也
屈	也	也	也	也	也	也	也	也	也	也	也	也
也	也	也	也	也	也	也	也	也	也	也	也	也
峙	丈	里	切	也	也	也	也	也	也	也	也	也
也	也	也	也	也	也	也	也	也	也	也	也	也
垠	山	也	也	也	也	也	也	也	也	也	也	也
界	魚	也	也	也	也	也	也	也	也	也	也	也
也	也	也	也	也	也	也	也	也	也	也	也	也